

溴

繫

道

樂

滇繫序

漢地里志益州刺史統郡  
八而益州郡為古滇王國  
即今雲南地漢武帝元封  
二年始開郡治則在滇池

後漢永平二年又分置永  
昌郡於不韋蜀漢改益州  
曰建寧郡別治味縣而更  
置雲南郡於滇池興古郡  
於宛溫晉以寧州刺史統

四郡則隱然為一州之地  
與今雲南省無異顧其地  
有石門瀾滄之險其人皆  
哀牢斯榆之遺憑阻易動  
故晉以後疊為南詔大理

所據不入版圖蓋古時滇  
雖一隅必待天下久治而  
始得得而易失又如此甚  
矣撫循之難也我

國家聲靈震懾甸南掌無

不賓服猱獠獠等諸編  
氓雲南久與內地無二而  
碧雞金馬靈秀特鍾其間  
績學能文之士相繼輩出  
均足以發山水之清華操

聖化

觚爭勝是其涵濡

於一百六十餘年之久者  
深且厚矣夫叅古今之權  
宜審邊隅之形勢徵文攷  
獻首在方志余兩任滇藩

兼署撫篆曾念通志年久  
缺脩擬欲踵而葺之旋以  
奉

命撫蘇不獲如願中恒歉然今  
趙州師荔扉明府出宰望

江政事之暇編爲滇繫一  
書郵寄京師請序於余余  
公餘繙閱竊喜是書綱舉  
目張簡而得要其首志疆  
域辨職官非若廣志南中

志之僅誇方物也其次列  
典故徵藝文非若黔書閩  
小紀之不加區別也以繫  
命名彙冊四十持論確而  
取義精雲南通志迄今雖

未增脩而得是編以補多  
年之闕略洵足備叅稽而  
垂久遠倘官斯土者曰是  
編而續纂志乘聿觀厥成  
於以宣揚

聖天子之威德俾滇中士農工

商莫不漸摩于禮義振興  
於文教太和翔洽邊界教  
寧則是編之所繫甚大豈  
僅有裨於滇而已哉荔扉

個儻淹雅前以孝廉任學  
博為余所薦剡忝有一日  
之知及宰壘江又隸所屬  
克著循聲故樂為序之時  
嘉慶十三年歲次戊辰三

月上澣

賜進

士出身

經筵講官

太子

少保

體仁閣大學士前吏

部尚書兩江總督加三級錢

唐費淳拜謨





滇繫序

方志為史家之一體非具  
史才者為之不能善也昔  
司馬子長以父子繼為史  
官而成太史公書然其後